



AN COIMISIÚN
EORPACH

An Bhruiséil, 30.5.2018
COM(2018) 384 final

ANNEXES 1 to 2

IARSCRÍBHINNÍ

a ghabhann leis an Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear an Clár um Cheartas

IARSCRÍBHINN I

Gníomhaíochtaí an chláir

Déanfar cuspóirí sonracha an Chláir dá dtagraítear in Airteagal 3 (2) a shaothrú go háirithe trí thacaíocht a thabhairt do na gníomhaíochtaí a leanas:

1. múscailt feasachta, faisnéis a scaipeadh chun eolas a fheabhsú ar bheartais an Aontais agus ar dhlí an Aontais lena n-áirítear dlí substainteach agus dlí nós imeachta, ionstraimí comhair bhreithiúnaigh, cásdlí ábhartha Chúirt Bhreithiúnais an Aontais Eorpaigh, agus dlí comparáideach agus caighdeán Eorpacha agus idirnáisiúnta;
2. foghlaim fhrithpháirteach trí dhea-chleachtais a mhalartú i measc na bpáirtithe leasmhara chun feabhas a chur ar an eolas agus ar an tuiscint fhrithpháirteach ar an dlí sibhialta agus ar an dlí choiriúil agus ar chórais dhlíthiúla agus bhreithiúnacha na mBallstát, lena n-áirítear an smacht reachta, agus feabhas a chur ar mhuinín fhrithpháirteach;
3. gníomhaíochtaí anailíse agus faireacháin¹ chun feabhas a chur ar an eolas agus ar an tuiscint ar na constaicí a d'fhéadfadh a bheith ar dhea-fheidhmiú an limistéir Eorpaigh cheartais agus chun cur chun feidhme dhlí an Aontais agus beartais sna Ballstáit a fheabhsú;
4. páirtithe leasmhara ábhartha a chur faoi oiliúint chun eolas ar bheartais an Aontais agus ar dhlí an Aontais a fheabhsú, lena n-áirítear *inter alia* an dlí substainteach agus an dlí nós imeachta, úsáid ionstraimí comhair bhreithiúnaigh an Aontais, cás-dlí ábhartha Chúirt Bhreithiúnais an Aontais Eorpaigh, an dlítheangeolaíocht agus an dlí comparáideach.
5. forbairt agus cothabháil a dhéanamh ar uirlisí Theicneolaíocht Faisnéise agus Cumarsáide (TFC) chun feabhas a chur ar éifeachtúlacht córas breithiúnach agus ar an gcomhar eatarthu trí bhíthin theicneolaíocht faisnéise agus cumarsáide, lena n-áirítear trí idir-inoibritheacht thrasteorann córas agus feidhmeanna.
6. forbairt acmhainní a dhéanamh ar líonraí tábhachtacha ar an leibhéal Eorpach agus ar líonraí breithiúnacha Eorpacha, lena n-áirítear líonraí arna mbunú le dlí an Aontais chun cur i bhfeidhm agus forfheidhmiú éifeachtach dhlí an Aontais a áirithiú, chun dlí an Aontais, spriocanna beartais agus straitéisí i réimsí an chláir a chur chun cinn agus a fhorbairt tuilleadh agus chun tacú le heagraíochtaí na sochaí sibhialta atá gníomhach sna réimsí a chumhdaítear leis an gClár.
7. eolas ar an gclár, scaipeadh agus inaistritheacht a thorthaí a fheabhsú agus for-rochtain saoránach a chothú, lena n-áirítear deasca cláir/líonra teagmhála náisiúnta a bhunú agus tacú leo.

¹ Áirítear ar na gníomhaíochtaí sin, mar shampla, bailiú sonraí agus staidrimh; forbairt modheolaíochtaí coiteanna agus, i gcás inarb iomchuí, táscairí nó tagarmharcanna; staidéir, taighde, anailísí agus suirbhéanna; meastóireachtaí; measúnú tionchair; forbairt agus foilsiú teoracha, tuarascálacha agus ábhair oideachais.

IARSCRÍBHINN II

Táscairí

Déanfar faireachán ar an gClár ar bhonn sraith táscairí atá beartaithe tomhas a dhéanamh ar a mhéid atá cuspóirí ginearálta agus sonracha an Chláir bainte amach agus d'fhonn na hualaí agus na costais riaracháin a íoslaghdú. Chuige sin, baileofar sonraí maidir leis an tsraith a leanas de tháscairí ríthábhachtacha.

Líon comhaltaí na mbreithiúna agus na foirne breithiúnaí a ghlac páirt i gníomhaíochtaí oiliúna (lena n-áirítear malartuithe foirne, cuairteanna staidéir, ceardlanna agus seimineáir) arna gcistiú ag an gClár, lena n-áirítear deontas oibriúcháin an GEOB
--

Líon na malartuithe faisnéise sa Chóras Faisnéise Eorpach um Thaifid Choiriúla (ECRIS)
--

Líon na n-amas ar thairseach an ríomhcheartais / ar na leathanaigh a thugann aghaidh ar an ngá atá le faisnéis maidir le cásanna sibhialta trasteorann
--

Líon na ndaoine a thairbhígh ó na gníomhaíochtaí a leanas:
--

(i) foghlaim fhrithpháirteach agus malartú gníomhaíochtaí dea-chleachtas;

(ii) gníomhaíochtaí ar mhaithe le múscailt feasachta, le faisnéis agus le scaipeadh na faisnéise
--